



Broj: 05-04-20-362-7/23
Maglaj, 24.04.2023. godine

Na osnovu čl. 70. i 72. stav (3) tačka a) Zakona o javnim nabavkama („Službeni glasnik BiH“, br. 39/14 i 59/22) i člana 42. Statuta Općine Maglaj („Službene novine općine Maglaj“, br. 8/07, 3/08 i 6/08), u postupku javne nabavke „Izgradnja primarne servisne saobraćajnice A-B-C u Poslovnoj zoni Liješnica – nastavak izgradnje“, Općinski načelnik d o n o s i

ODLUKU

o dodjeli ugovora trećerangiranom ponuđaču

I

Ugovor o izgradnji primarne servisne saobraćajnice A-B-C u Poslovnoj zoni Liješnica – nastavak izgradnje dodjeljuje se trećerangiranom ponuđaču „Hajdić“ d.o.o. Maglaj, sa ponudnom cijenom od **159.805,15 KM bez PDV-a, odnosno 186.972,02 KM sa uračunatim PDV-om**, a nakon što drugorangirani ponuđač „Geo-put“ d.o.o. Maglaj nije u ostavljenom roku dostavio dokumentaciju koju je bio obavezan dostaviti kao izabrani ponuđač.

II

Ovom odlukom stavlja se van snage Odluka o dodjeli ugovora drugorangiranom ponuđaču, broj 05-04-20-362-6/23 od 10.04.2023. godine, kojom se predmetni ugovor dodjeljuje ponuđaču „Geo-put“ d.o.o. Maglaj.

III

Ponuđač iz tačke I dužan je, u roku od pet dana od dana zaprimanja ove odluke, dostaviti dokumentaciju koja je tenderskom dokumentacijom utvrđena kao dokumentacija koju dostavlja izabrani ponuđač.

IV

Za realizaciju ove odluke zadužuje se Služba za urbanizam, geodetske i imovinsko-pravne poslove Općine Maglaj.

V

Ova odluka dostavlja se svim ponuđačima koji su učestvovali u postupku javne nabavke i ima se objaviti na web stranici Općine Maglaj.

O b r a z l o ž e n j e

Odlukom o pokretanju postupka, broj 05-04-20-362/23 od 23.02.2023. godine, pokrenut je postupak javne nabavke „Izgradnja primarne servisne saobraćajnice A-B-C u Poslovnoj zoni Liješnica – nastavak izgradnje“, otvoreni postupak. Predmetna javna nabavka objavljena je na portalu javnih nabavki, obavještenje o nabavci broj 1140-1-3-26-3-6/23 od 27.02.2023. godine. Sažetak obavještenja o nabavci objavljen je u „Službenom glasniku BiH“, broj 14/23. Procijenjena vrijednost nabavke je 176.068,38 KM (bez PDV-a). Kriterij za dodjelu ugovora u predmetnom postupku je najniža cijena.

Nakon što izabrani ponuđač „Komgrad-Ze“ d.o.o. Zenica nije u ostavljenom roku dostavio dokumentaciju koju je bio obavezan dostaviti kao izabrani ponuđač, ugovorni organ je, u skladu sa članom 72. stav (2) tačka a) Zakona o javnim nabavkama, donio Odluku o dodjeli ugovora drugorangiranom ponuđaču, broj 05-04-20-362-6/23 od 10.04.2023. godine, kojom je ugovor dodijeljen ponuđaču „Geo-put“ d.o.o. Maglaj. Predmetnom odlukom imenovani ponuđač je pozvan da u roku od pet dana od dana njenog zaprimanja dostavi dokumentaciju koja je tenderskom dokumentacijom utvrđena kao dokumentacija koju dostavlja izabrani ponuđač. Uvidom u spis utvrđeno je da je ponuđač „Geo-put“ d.o.o. Maglaj predmetnu odluku uredno zaprimio dana 10.04.2023. godine, dakle rok za dostavu dokumentacije isticao je 17.04.2023. godine. Ponuđač „Geo-put“ d.o.o. Maglaj je propustio dostaviti traženu dokumentaciju u ostavljenom roku.

S obzirom da drugorangirani ponuđač kojem je dodijeljen ugovor u predviđenom roku nije dostavio traženu dokumentaciju, ugovorni organ je postupio u skladu sa članom 72. stav (3) tačka a) Zakona o javnim nabavkama i ugovor o izgradnji primarne servisne saobraćajnice A-B-C u Poslovnoj zoni Liješnica dodijelio sljedećem ponuđaču sa rang-liste, odnosno trećerangiranom ponuđaču, kako je i navedeno u dispozitivu ove odluke.

POUKA O PRAVNOM LIJEKU

Protiv ove odluke može se izjaviti žalba Uredu za razmatranje žalbi, putem ugovornog organa, Općine Maglaj, u roku od 10 (deset) dana od dana prijema odluke.

DOSTAVLJENO:

1. Ponuđačima – putem maila
2. Služba za urbanizam, geodetske i imovinsko-pravne poslove
3. Web stranica
4. a/a

